



Inatsisartunut ilaasortat Malik Berthelsen aamma Karl Lyberth, Siumut

Inatsisartut suleriaasianni § 37 naapertorlugu Naalakkersuisunut apeqqut nr. 2011-207 pillugu.

Asasakka Malik Berthelsen aamma Karl Lyberth

Meeqqanut inuusuttunullu ulloq unnuarlu paaqqinniffiit pillugit apeqqutissinnut qujanaq.

Makkuninnga pingasuusunik apeqquteqarpusi:

1. Nuna tamakkerlugu meeqqanut inuusuttunullu ulloq unnuarlu angerlarsimaffiit Pisortanit ingerlanneqartut 9-sut naammappat?
2. Meeqqanik inuusuttunillu angerlarsimaffinnut taamaattunut inissineqarniartunik utaqqisoqarpa? Utaqqisoqarsimappallu qanoq amerlatigippat?
3. Angerlarsimaffinnut 9-inut pineqartunut, meeqqamut ataatsimut agguaqatigiissillugu aningaasartuutit soormitaavaana taamak nikingatigisut?

9. nov 2011
Sagsnr. 2011-056761
Dok. Nr. 754985

Postboks 260
3900 Nuuk
Tlf. (+299) 34 50 00
Fax (+299) 34 66 66
E-mail: ikl@nanoq.gl
www.nanoq.gl

Apeqqutitut qulaani allassimasunut akissutit Deloitte 2011-mi marsimi ulloq unnuarlu paaqqinniffinnut tunngasunik misissueqqissaarneranik naliliineranillu aallaaveqarluni akineqarput. Naalakkersuisut misissueqqusisuuq, nunatsinni ulloq unnuarlu paaqqinniffinnut tunngasut soqutigisarsiuunngitsumik misissorneqarnissaat siunertaralugu.

Apeqqut 1 pillugu.

Ulloq unnuarlu paaqqinniffiit ukiuni pingasuni kingullerni inissisimasoqassusiat agguaqatigiissillugu 100 %-ip ataaniilaarsimavoq, kiisalu meeqqanut inuusuttunullu inuttut ajornartorsiuteqartunut ulloq unnuarlu paaqqinniffiit akornanni inissiisoqartarnera nikerartorujussuuvuq.

Ulloq unnuarlu paaqqinniffinnut tunngasuni sulisoqarniarnermut, sulisussarsiornermut sulisorinniinnarniarnermullu tunngatillugu ajornartorsiutit tamakku inissisimasoqarnerisa assigiinngiiaarnerujussuannut pissutaaneruvoq. Misissuinermi erseqqissaatigineqarpoq pingaartumik Nunatsinni perorsaasut akissarsiakinnerat pissutaaqataasorujussuusoq. Ulloq unnuarlu paaqqinniffiit sulisut paarisinnaasaat sinnerlugit meeqqanik tigoqqaa-sinnaanngillat. Aammattaaq sulisut ilarpasui ilinniarsimangillat, tamatumuunalu akisarsianut aningaasartuutit tatineqarput, tassami sulisut ilinniarsimasut naammangikkaangata amerlanerusut pigaartuusariaqartarnerat misilittagarineqarmat.

Aammattaaq Deloitte misissuinerani paasinarsivoq meeqqat inuusuttullu ullumikkut ulloq unnuarlu paaqqinniffinnut inissineqartartut katsorsagassaanerujartuinnartut. Tamanna suliasaqarfimmi nukissatigut piumasaqaateqarfiusorujussuuvuq. Tamanna suliasaqarfimmi nukissatigut piumasaqaateqarfiuvoq. Ataatsimut isigalugu oqaatigineqarsinnaavoq ullumikkut neqeroorutit pisariaqartitanut naammattumik matussutissaanngitsut. Meeqqanut inuusuttunullu tunngasut ullumikkornit siunissami immikkut ilisimasaqar-

fiusukkuutaarneqarnerusariaqassapput. Tamatumani sullinniakkat taakku ikiorneqar-sinnaassappata sulisut piukkunnartut naammattariaqarput.

Inuusuttunut 18 – 23-it akornanni ukiulinnut inuiaqatigiinnut akuliunnissamut piareersar-fiusumik angerlarsimaffimmik pilersitsinissaq 2012-imi pilersaarutigineqarpoq tamannalu aamma ulloq unnuarlu paaqqinniffiusuniittartunut kinguneqassaaq, tassami inuusuttut 18-it sinnerlugit ukiullit amerlanerusut suliniuteqarnermi malinaaffigineqarnerminni nak-kutiginninnermut atatillugu suli inissinneqarsimasarmata.

Ulloq unnuarlu paaqqinniffinnut immikkoortortaq meeqqanut inuusuttunullu ulloq unnuar-lu paaqqinniffinnut namminersortunit pigineqartunut innersuussineq ajorpoq. Ulloq un-nuarlu paaqqinniffiit namminersortunit pigineqartut Namminersorlutik Oqartussat nalu-naarsuisarneranni inissanut tunngatillugu nalunaarsugaanngillat. Kommunit ulloq un-nuarlu paaqqinniffinnut namminersortunit pigineqartunut toqqaannartumik saaffiginnit-tarput taakkunungalugu meeqqanik inuusuttunillu inissiisoqartillugu sullissiveqarfiit taakku toqqaannartumik suleqatigisarlugit.

Meeqqat pisortat ulloq unnuarlu paaqqinniffiutaannut utaqqisuniittut ulloq unnuarlu paaqqinniffinni namminersortunit pigineqartuniitinneqakkajuttarput angajoqqaarsianiitin-neqartarlutilluunniit inissaqalernissamik tungaanut. Utaqqisoqarnera meeqqap inuusut-tulluunniit inissinneqarsimannginneranut takussutissaanngilaq.

Aningaasaqarneq eqqarsaatigalugu kommuninit ilaatigut kissaatigineqarpoq meeraq pisortat ulloq unnuarlu paaqqinniffiutaannut pissasoq, aamma meeraq inuusuttorluunniit neqeroorutini pilersinneqareersimasuni atugarissaaraluarpuunniit. Toqqagassaarul-luinnaraangat paaqqinniffiit namminersortunit pigineqartut kingullersaatillugit toqqarne-qakkajuttarput.

Apeqqut 2 pillugu.

Utaqqisut qitiusumik allattorsimaffeqarput Naalakkersuisoqarfiup Ulloq unnuarlu paaq-qinniffinnut immikkoortortaanit aqunneqartumik. Maanna meeqqat inuusuttullu Nammi-nersorlutik Oqartussat ulloq unnuarlu paaqqinniffiutaanni inissamik utaqqisut 19-iupput.

Apeqqut 3 pillugu.

Ulloq unnuarlu paaqqinniffinni akigitinneqartut ilaatigut katsorsartarialinnik isumassorta-rialinnillu paaqqinniffiup sullitaasa qanoq suliniarfigineqarnissaminut pisariaqartitsinerat apeqqutaasarput.

Inussiarnersumik inuulluaqqusillunga



Mimi Karlsen



Inatsisartut suleriaasianni § 37 imm. 1 naapertorlugu Naalakkersuisunut apeqqutit imaattut matumuuna saqqummiuppakka:

Nuna tamakkerlugu meeqqanut inuusuttunullu ulloq unnuarlu angerlarsimaffiit Pisortanit ingerlanneqartut 9-sut naammappat?

Meeqqanik inuusuttunillu angerlarsimaffinnut taamaattunut inissineqarniartunik utaqqisoqarpa? Utaqqisoqarsimappallu qanoq amerlatigippat?

Angerlarsimaffinnut 9-inut pineqartunut, meeqqamut ataatsimut agguaqatigiissillugu aningaasartuutit soormitaavaana taamak nikingatigisut?

Tunngavilersuut:

Meeqqanut inuusuttunullu ulloq unnuarlu paaqqinniffiusuni qulingiluaasuni, 2012-imi inissat 166-sunit inissat suli amerlanerusut atorfissaqartinneqarnersut paaserusukkalarparput. Tamatumunnga iluatsillugu meeqqat inuusuttullu qanoq amerlatigisut paaqqinniffinnut namminersortunut inissinneqarsimanersut nassuiaatigineqarsinnaappat iluassaqaq.

Meeqqanut inuusuttunullu angerlarsimaffiusuni aningaasaliissutigineqartuni, meeqqamut ataatsimut agguaqatigiisitsilluni aningaasartuutit taamak annertutigisumik nikingatiginerannut suna pissutaava?

Ilisimavarput angerlarsimaffiit ilaat agguaqatigiisitsinermi sulisunik amerlanerusunik pisariaqartitsinerusartut. Taamaakkaluartoq aningaasartutit taamak nikingatiginerannut sulisut kisimik patsisaappat?

Agguaqatigiisitsinermi takusinnaasagut malillugit angerlarsimaffiit ilaanni meeqqamut ataatsimut aningaasartuutit 600.000kr.-inik akeqarput ilaannilu meeqqamut ataatsimut 1.1miokr. aningaasartuuteqarfiullutik.

Malik Berthelsen, Karl Lyberth, Siumut